



16. april 2019

UPA 2018/158

Naqqiut

Siunnersuut imm.158. 18. januar 2019-meersoq taarserpaa
(Siunnersuuteqartup atia allanngorpoq)

Inatsisartut suleriasianni § 36 naapertorlugu apeqquteqaat aallaavigalugu oqallisissiaq imaattoq matumuuna saqqummiuppara:

Niueqatigiinneq siammasinnerusoq, nunanut allanut ammanerusoq, imaatigullu assartuussinissamik attaveqaasorsorneqartoq qanoq isilluta pilersinneqassanersoq pillugu siunissami niuernikkut nunarsuarmioqataajartornermut aqut atorlugu apeqquteqaat aallaavigalugu oqallisissiaq.

(Inatsisartuni ilaasortaq Aqqalu C. Jeremiassen, Atassut)

Nunani avannarlerni imaatigut assartuussinissamik isumaqatigiissutaasut pillugit Kalaallit Nunaat ilanngunnissaa pingaaruteqaqaaq, maannakkut piffissanngorsimavoq killeqannginnerusumik niueqatigiinneq aqqutigalugu niuernikkut nunat pineqartut Island aamma Savalimmiut suleqatigilluarnissaat. Nunat taakku marluk pineqartut niuernikkut imminnut pilersornerat maluginiarneqarsinnaavoq, tamannali Kalaallit Nunaanut issittullu imartaanut aqutissiussisinnaavoq Amerikap nunavittaanut imaatigut assartuussinermi niueqatigiinnikkut.

Imaatigut assartuussinissamik isumaqatigiissut Aalborg-imut atuuttoq 2022-imi naammassisussaavoq, tamanna nutaamik isumaqatigiissuteqarnermi nunatsinnut killeqanngitsumik niueqatigiinnikkut Island aamma Savalimmiut suleqatigilluarneratigut imaatigut assartuussinissamik niueqatigiinneq nunatsinnut nunarsuarmioqatitsinnullu iluaqutaalluinnassaaq. Royal Arctic Line A/S aamma Eimskip A/S suleqatigiinneratigut imaatigut assartuussinissamik isumaqatigiissuteqarnissaq Århus Havn A/S peqatigalugu 2022-imi tamakkiisumik ingerlalissaaq, tamanna Kalaallit Nunaani aalisarnikkut tunisassiornitsinni usinik assartuuisarneq sukannersumik aammalu pisuussutitta naleqarnerulernerannik pisisartut nunanit allaneersut aalisarnikkut tunisassiatitta amerleriarnissaanik aqutissiussinissaat naatsorsuutigineqarsinnaavoq.

Killeqanngitsumik niueqatigiinneq pillugu nutaamik isumaqatiginninniarnissaq nunatsinnut alloriarnerusaaq, imminut pilersornitsinnut aningaasatigut peqqinnarnerusumik inooriaaseqalernissatsinnut kinguneqassalluni. Suliffeqarfiit niueqatigiinnikkut matoqqasumik pissusilersorinnaasarnerisa qimakkiaartuaarnerani nunatsinni suliffippassuit unammilleqatigiinnerannik taarserneqassaaq, kisermaassisussaataitanerli



minnerpaaffileriaartuaarnissaanut suliffeqarfiit namminersortut suliffeqarfinilu kiffartuussiviusuni atuisuusut niuernikkut kiffaangissuseqarnissaat politikikkut qulakkeerneaqqaartariaqarpoq.

Nunatsinni pisuussutitta atorluarneqarnerunissaat siunertaralugu killeqanngitsumik niueqatigiinnikkut nunani allani suleqateqarnikkut qularnaarisariaqarpugut, aatsitassarsiorneq, aalisarneq imminut pilersornissatsinnut aqqtissaasut ilisimavagut, tamannali niuernikkut periarfissat allat atorlugit niuillaqqissuserput takutittariaqarparput. Inuussutissarsiorneq qulakkeertariaqarparput ineriartorfiusariaqartoq, pisuussutittami atorluarneratigut sumiiffiit immikkoortui pillugit inuussutissarsiutit uummateqarfigisaat ineriartortitseqataaffigisariaqarpagut.

Ullumikkut Kalaallit Nunaat inuuffigissallugu akisoorujussuuvoq, tamanna nunarsuarmioqatitta orniginartinneq ajorpaat niuernikkut aqqtissat allat atorumanerullugit. Uagut naalackersuineramik sulialittut isiginiartariaqalerparput maannakkut niuernikkut atugassarititaasut pillugit siunissami niuernikkut nunarsuarmioqataanermut aqqt atorlugu nunani avannarlerni ineriartortitseqataanissatsinnut qulakkeerinnissalluta.

Politikkikkut sinaakkutit niuernerorpalaartut atorlugit Kalaallit Nunaat avammut ammaattariaqarparput, pisuussutit atorlugit imminut pilersorsinnaanitta niuerutigineratigut. Nunarput nunarsuarmioqatitsinnut mattunniangilarput aamma Qallunaat Nunaannut, aaqiissutissarli ataasiinaavoq nunatsinni suliffeqarfiit kisermaasisussaatitaanerisa killilerneratigut.

Naalagaaffeqatigiinnerup aqqani peqataatilluta niuernikkut aningaasarsiornerput nukittorsartuariaqarparput, piumallugulu nunatta nunanut allanut politikkia kangimut kitaanullu suleqateqarsinnaanermut.

Oqallilluarnissassinnik kissaallusi.